




DS

735

A2W8

19--

V.13







尺木堂綱鑑易知錄卷二七

周之炯靜專

通鑑綱目定本

山陰吳乘權楚材同輯

周之燦星若

東漢紀

孝獻皇帝

**綱**乙未二十年春正月立貴人曹氏為皇后**綱**夏五

劉備孫權  
分荊州

月劉備孫權分荊州備使關羽守江陵權使魯肅屯  
陸口**目**初劉備在荊州周瑜甘寧等數朔勸孫權取



蜀權遣使謂備。備報曰。備與劉璋託為宗室。冀憑英

靈。以匡漢朝。今得罪於左右。願加寬貸。權不聽。遣瑜

率水軍住夏口。

在湖廣武昌府荆江之中

備遏之。不得過。謂曰。汝

欲取蜀。吾當被

避

髮入山。不失信於天下也。權不得

已。召瑜還。及備攻蜀。畱關羽守江陵。

今湖廣荊州府江陵縣

權

曰。猾虜乃敢挾詐如此。備已得益州。權令諸葛瑾從

備求荊州諸郡。備不許。權遂置長沙。

今湖廣長沙府

零陵。

廣永桂陽。

今湖廣郴州。柳五森反。

三郡長吏羽逐之。權遣呂蒙

取三郡。備聞之。自至公安。

今荊州府公安縣

遣羽爭三郡。孫



權進住陸口。

在武昌府通城縣北

使魯肅將萬人屯益陽。

今長沙府

魯肅青鵠羽爭荊州縣

益陽

以拒羽。肅邀羽相見，因責數。

上羽聲

羽曰：「烏林之

役，

謂赤壁破曹操也。烏林，峰名，與赤壁相對。故云。

左將軍

見二十五卷三十一

身在行

杭

間戮力也。

破敵豈得徒勞，無一塊土而足下來。

欲收地邪？肅曰：「不然。始與豫州觀於長阪，

見上卷十四

豫

州之衆不當一校，計窮慮極，圖欲遠竄。主上矜愍豫

州，身無處所，不愛土地，人民之力以濟其患，而豫州

私獨飾情，愆德墮

揮也。好去聲。

今已藉手西州。

言備已有益州

又欲剪併荆土，斯蓋凡夫所不忍行，而況整頓人物。



之主乎。羽無以答。會聞曹操將攻漢中。今陝西備乃

求和於權。權令諸葛瑾報命。遂分荊州以湘水為界。

長沙。見江夏。今湖廣武昌府桂陽。見以東屬權。南郡。即荊州府零

陵。見上武陵。今湖廣常德府以西屬備。瑾每奉使至蜀與其弟

亮但公會相見退無私面。**綱**秋七月。魏公操取漢中。

走張魯。留將軍夏侯淵張郃守之而還。**綱**八月。孫權

攻合肥大敗而還。**目**曹操之征張魯也為教。猶言與

合肥。今江南廬州府合肥縣護軍薛悌署。發書也函。賈也所以盛書者邊

曰賊至乃發及是孫權率眾十萬圍合肥悌發函教



李典不以  
私憾忘公  
義

曰。若孫權至者。張李將軍出戰。樂將軍守護軍。勿得  
與戰。樂進等以衆寡不敵。疑之。張遼將獨出。李典素  
與遼不睦。慨然曰。此國家大事。顧君計何如耳。吾豈  
可以私憾而忘公義乎。請從君而出。於是夜募敢從  
之士。明旦陷陣。衝壘入至麾下。權大驚。走至逍遙津。  
在廬州府北。賀齊率三千人在津南迎權。入船。齊涕  
泣曰。至尊人主。常當持重。願以此爲終身之戒。權自  
前收其淚曰。大慙。謹已。刻心。非但書紳也。**綱**冬。十一  
月。張魯出降。以爲鎮南將軍。封其屬閭圃爲列侯。以



諫魯勿

王也

曹操進爵  
為王

綱丙申二十一年夏四月魏公操進爵為王操殺尚

書崔琰

有與琰不平者綱秋八月魏以鍾繇為相國

綱丁酉二十二年春正月魏王操擊孫權軍三月權

曹操用天  
子車服

降綱夏四月魏王操用天子車服出入警蹕

見十一卷四

書昔成王賜周公以天子禮樂蓋追賜也天子在上

法而僭其車服儀制是二天子矣操之罪可勝誅哉綱冬

十月魏以世子丕為王太子目初操娶丁夫人無子

妾劉氏生子昂卞氏生四子丕彰植熊於是出丁夫



崔瑗露版  
答曹操

人而立卞氏為繼室。植性機警多藝能才藻敏贍。操

愛之欲以為嗣。以函密訪於外。尚書崔瑗露版。露不封也

版木版為書也答曰。春秋之義立子以長。公羊傳隱公元年立嫡以長不以賢

五官將。不嘗為此官仁孝聰明宜承正統。瑗以死守之。不

使人問。大中大夫賈詡以自固之術。詡曰。願將軍恢

崇德度躬素士之業。朝夕孜孜。不違子道。如此而已。

他日操屏。西人問詡默然不對。操問其故。詡曰。屬

有所思。故不即對耳。操曰。何思。詡曰。思袁本初。劉

景升父子也。袁紹字本初有三子譚熙尚紹愛幼子尚以為後出長子譚為青州刺史後兄

賈詡思袁  
劉父子



辛君知我

喜不

辛憲英上

魏不昌

劉備進兵漢中

弟相攻為曹操所滅劉表字景升有二子琦琮操大表愛幼子琮及卒琮嗣未幾曹操軍至琮降操大笑丕立為太子抱議郎辛毗皮頸而言曰辛君知我喜不毗以告其女憲英憲英曰太子代君主宗廟社稷者也代君不可以不戚主國不可以不懼宜戚宜懼而反以為喜何以能久魏其不昌乎綱劉備進兵漢中魏王操遣將軍曹洪拒之目法正說劉備曰曹操一舉而降張魯定漢中不因此時以圖巴蜀而留夏侯淵張郃屯守身邊北還此非其智不逮而力不足也必將內有憂逼故耳今策利淵郃才略不勝國



紀晃起兵  
討曹操

之將帥舉眾往討必可克之此蓋天以與我時不可

失也備乃進兵遣張飛馬超吳蘭等屯下辨今陝西鞏昌府

成縣操遣曹洪拒之綱孫權陞口見上守將魯肅卒權以

呂蒙代之。

綱戊戌二十三年春正月少府耿紀司直韋晃黃上聲

起兵討魏王操不克死之書少府司直非貴大臣也法非貴大臣而能起兵綱

目所深予也故特書討書目時有金襴衣者自以世

死之所。以愧黨操者深矣。

為漢臣乃發憤與紀晃起兵欲挾天子以伐魏南援

劉備不克而死綱夏四月劉備擊張郃不克。秋七



月魏王操擊劉備九月至長安

今陝西西安府長安縣

**[綱]**己亥二十四年春正月劉備擊夏侯淵破斬之**[綱]**

三月魏王操出斜谷劉備將趙雲擊其軍敗之夏五

月操引還備遂取漢中

**[目]**操自長安出斜

谷在陝西

劉備取漢中

中府鳳縣

軍遮要

地名在斜谷南

以

臨漢中

劉備曰曹公雖來無

能為也我必有漢川

即漢中

矣乃斂眾拒險終不交鋒

操運米北山

在鞏昌府階州治北

下黃忠引兵欲取之過期不

還趙雲將數十騎出營視之值操揚兵大出雲遂前

突其陣且鬪且却魏兵散而復合追至營下雲入營



起雲擊敗  
魏兵

劉備自立  
為漢中王

開門。偃旗息鼓。魏兵疑雲有伏。引去雲以勁弩射石。

魏兵驚駭。自相蹂踐。墮水死者甚多。相守積月。

魏軍士多亡。五月。操引兵還長安。備遂有漢中。綱秋

七月。劉備自立為漢中王。還治書書自立何存獻帝成都也。法也。獻帝在雖劉備

以自立書之綱自君臣之義。稟稟矣。綱八月。漢中將關羽取襄陽。目關

羽使糜眉芳守江陵。見上傅士仁守公安。見同羽自

率眾攻曹仁於樊。見上卷仁使于禁龐德等屯樊北。

八月。大霖雨。漢水溢。平地數丈。禁與諸將登高避水。

羽乘大船。遂攻之。禁等窮迫。遂降。龐德力戰矢盡。羽



小船欲還仁營船覆為羽所得立而不跪羽謂曰何

不早降德罵羽羽殺之急攻樊城羽又遣別將圍襄

陽今湖廣刺史胡脩太守傅方皆降操聞龐德死流

涕曰吾知于禁三十年何意臨危反不及龐德邪綱

冬十月孫權使呂蒙襲取江陵魏王操帥師救樊關

羽走還權邀斬之十二月蒙卒書周瑜張紇魯肅卒

大督則其卒也不書官何罪蒙也劉孫同仇而蒙首

發相吞之謀此魏之所以益彊而漢之所以不復也

故關羽之還書邀斬之以目自許見二十五以南往

羽成振

往遙應關羽羽威震華夏曹操議徙許都以避其銳



魯肅勸孫權撫關羽

呂蒙勸孫權取關羽

呂蒙計留關羽

司馬懿、蔣濟曰：劉備孫權外親，內疏。關羽得志，權必不願也。可遣人勸權躡其後，許割江南以封權，則樊圍自解。操從之。初，魯肅嘗勸孫權以曹操尚存，宜且撫輯關羽，與之同仇，不可失也。及呂蒙代肅，以為羽素驍雄，有兼并之心，且居國上流，其勢難久。密言於權曰：關羽君臣矜其詐力，所在反覆，不可以腹心待也。不如取羽，全據長江，形勢益張，易為守也。權善之。權嘗為其子求昏於羽，羽罵其使，不許。至是，蒙上疏

曰：羽討樊而多留備兵，見必恐蒙圖其後故也。蒙常



有病乞分士衆還建業見上知以治疾爲名羽聞之

必撤備兵盡赴襄陽見上大軍浮江晝夜馳上襲其空

虛則南郡見上可下而羽可禽也遂稱病篤權乃露

檄吸召蒙還蒙至都權問誰可代卿者蒙對曰陸遜

陸遜意思  
深長

意思去聲深長才堪負重而未有遠名非羽所忌無復

是過也若用之當令外自韜隱內察形便然後可克

權乃召遜代蒙遜至陸口見上爲書與羽稱其功美深

自謙抑羽意大安稍撤兵以赴樊遜具啓形狀權遂

發兵襲羽以蒙爲大督曹操使徐晃黃上屯宛今河南



陽府南陽縣以助曹仁孫權為賤與操請以討羽自效及

乞不漏令羽有備羣臣咸言宜密之董昭曰軍事尚

權宜內露之使羽聞權上而還自護則圍速解羽聞

之猶豫不能去徐晃攻羽破之羽撤圍退然舟船猶

據沔勉水在湖廣漢陽府城西南呂蒙至潯陽今江西九江府德化縣盡

伏其精兵伏其精兵中使白衣搖櫓作商賈服書

夜兼行羽所置江邊屯候盡收縛之麋芳傅士仁素

皆嫌羽輕已於是即降蒙入江陵釋于禁得關羽及

將士家屬皆撫慰之令軍中不得干歷人家有所求

白衣搖櫓



鍾離易知錄

卷之六

取蒙麾下同郡人取民家一笠以覆官鎧開上聲蒙

猶以為犯軍令垂涕斬之於是軍人震慄道不拾遺

關羽走還權至江陵荆州將吏悉歸附獨治中從事

潘濬稱疾不見權遣人與致濬伏面不起涕泣交橫

權慰諭懇惻濬起拜謝即以為治中荆州軍事二以

諮之從事樊佃宙。佃時為武陵郡誘導諸夷西附

漢中外白外人遣萬人討之濬曰以五千兵往足矣

權曰卿何以輕之濬曰佃能弄唇吻女上而實無才

略嘗為州人設饌比至日中食不可得而十餘自起



此亦侏儒

短人

觀一節

股

之驗也

桓譚

新論侏儒見一節而長短可知言不

必見全身但觀一節之短可知其為侏儒矣

權大笑即遣濬將五千人往

果斬平之權使遜屯夷陵

今荊州府夷陵州

守峽口

巫峽明月峽西

陵峽三峽之口也巫峽在四川夔州府

關羽遁走兵

皆解散纔十餘騎權先使潘璋斷

短

其徑路十二月

獲羽斬之遂定荊州呂蒙未及受封疾發卒權後謂

陸遜曰公瑾

周瑜字

雄烈膽略兼人

遂破孟德

曹操字

開

拓荊州遜

莫遠也

焉寡儔子敬

魯肅字

因公瑾致達於孤

一見便及帝王大略此一快也後孟德東下諸人皆

孫權與陸遜論周瑜等得失



欲迎之。子敬駁言不可。勸公急呼公瑾付任。以衆逆

而擊之。此二快也。後雖勸吾借玄德

劉備字

地。是其一

短。不足以損其二長。故孤常以方鄧禹也。子明

呂蒙字

少時。孤謂不辭劇

極易艱與易也

果敢有膽而已。及身長

大。學問開益。籌略奇至。可次公瑾。但言議英發不及

之耳。圖取關羽。勝於子敬。子敬云。羽不足忌。此內不

能辦。外爲大言耳。孤亦恕之。不苟責也。然其作軍屯

營不失。令行禁止。路不拾遺。法亦美矣。綱以孫權爲

票騎將軍。領荊州牧。目曹操表孫權爲票騎將軍。假



節領荊州牧封南昌今江西南昌府侯權上書稱臣於操稱

說天命操以示外曰是兒欲踞吾著灼爐火上邪陳

羣等皆曰漢祚已終非適今日殿下功德巍巍羣生

注望故孫權在遠稱臣此天人之應異氣齊聲殿下

宜正大位復何疑哉操曰若天命在吾吾為周文王

矣自比文王明使其子篡漢

司馬溫公曰教化國家之急務也而俗吏慢之風俗天下之大事也而庸君忽之夫惟明智君子深識長慮然後知其為益之大而收功之遠也光武遭漢中衰紹恢前緒征伐四方日不服給乃能敦尚經術賓廷儒雅開學廣校脩明禮樂繼以明章適追先志臨雍拜老橫經問道自



公卿大夫至于郡縣之吏咸選用經明行脩之人是以教立於上俗成於下自三代既亡風化之美未有若東漢之盛者也及孝和以降可謂亂矣然上則有袁安楊震李固杜喬陳蕃李膺之徒面引廷爭用公義以扶其危下則有符融郭泰范滂許劭之流立私論以救其敗是以政治雖濁而風俗不衰當是之時苟有明君作而振之則漢祚未可量也不幸重以桓靈之昏虐保養姦回過於骨肉殄滅忠良甚於寇仇積多士之憤蓄四海之怒於是宗廟丘墟烝民塗炭天命殞絕本可復救然擁兵專地者雖互相吞噬猶未嘗不以尊漢爲辭以魏武之暴戾疆仇加有大功於天下其蓄無君之心久矣乃至沒身不敢廢漢而自立豈其志之不欲哉猶畏名節而自抑也由是觀之教化安可慢風俗安可忽哉

綱

庚子二十五年

魏文帝曹丕黃初元年。是歲僭國一

春正月丞相



冀州牧魏王曹操還至洛陽卒太子丕立自爲丞相

冀州牧

書

操自兵興以來綱目所書無慮八九十事

法未嘗有一語與之其惡操也甚矣於是而

卒書官書

爵書姓如鄧禹非予之也幸

目操知人善

之也使操不死必將大以不臣終矣

察難眩以偽識拔奇才不拘微賤隨能任使皆獲其

用與敵對陣意思安閑如不欲戰及決機乘勝氣勢

盈溢勳勞宜賞不吝千金無功妄施分毫不與用法

峻急有犯必戮或對之涕泣然終無所赦雅性節儉

不好華麗故能芟刈羣雄幾平海內至是薨太子丕

以王后令卽王位帝遣御史大夫華歆奉策詔授丞



相印綬魏王璽綬領冀州牧尊王后曰王太后葬武

王於高陵曹操墓也未詳所在唯其疑塚在河南彰德府磁州凡七十二處**綱**二月

魏以賈詡為大尉華歆為相國王朗為御史大夫**綱**

魏王丕遣其弟鄢陵今河南開封府鄢陵縣侯彰等皆就國**法書**

鄢陵侯何漢所封也漢所封則漢遣就國爾書魏王

丕遣何私也友于義薄莫甚於曹丕者矣故直書曰

魏王丕遣其弟**綱**丕遣其弟皆就國臨菑今山東青州府臨淄縣監國

謁者希指奏臨菑侯植醉酒悖慢劫脅使者不貶植

為安鄉故城在直隸真定府無極縣侯**綱**魏立九品法置州郡中

法魏立九品

正**綱**尚書陳羣以天朝選用不盡人才乃立九品官



曹逆真刺  
史

人之法州郡皆置中正擇有識鑒者為之區別人物

第其高下。綱夏六月以賈逵為豫州克二五刺史。綱

時天下初定刺史多不能攝郡逵察二千石以下阿

縱不如法者皆奏免之外脩軍旅內治民事興陂卑

畜水田通運渠吏民稱之曹丕曰真刺史矣。綱冬十

月魏王曹丕稱皇帝廢帝為山陽公。綱帝遣使持節

奉璽綬詔策禪位於魏魏王丕即皇帝位改元黃初。

奉漢帝為山陽故城在河南懷公追尊武王曰武皇

帝。廟號太祖。尊王太后曰皇太后。



循名可以  
貴實

綱目不過  
求其實

遂昌尹氏曰天生烝民立之司牧天下不可以  
無君也天無二日民無二王天下不可以二君  
也自唐虞禪繼舜禹承之循其名可以責其實  
古人豈固假此以欺天下哉成湯放桀惟有慙  
德武王伐紂義士非之湯武不失爲聖人商周  
不失爲正統亦惟求其實耳後世欺孤弱寡寡  
竊相尋考其實皆羿浞莽卓之徒而求其名乃  
欲高出商周之上前史信其僞辭衰世襲其遺  
蹟一則曰禪位二則曰受禪胡爲自漢而下  
何堯舜之多邪今綱目於此直以稱帝廢帝大  
書于間至于傳禪之說絕不復舉斯言一出諸  
史皆廢豈綱目好爲立異哉亦不過求其實而  
已嗚呼亂臣賊子竊人家國常患於取之無名  
則必曲爲委折以文之三家分晉田氏併齊借  
周人之命以自蓋莽賊篡漢欲求其說而不可  
得乃以周公居攝稱之至操丕始以傳禪爲文  
自後篡竊相繼皆踵而行之其原始於曹氏之  
作備也綱目既破其說然後姦僞之徒始無以



為欺天下後世之具其有補於名教豈不大哉故曰綱目脩而亂臣賊子懼

右東漢十二帝共一百九十六年

後漢紀附魏吳二僭國

昭烈皇帝

名備景帝子中山靖王之後曹丕篡漢正位於蜀號曰後漢在位三年壽六十二歲

而崩諡法明德有勞曰昭有功安民曰烈

綱辛丑昭烈皇帝章武元年

魏黃初書大書章武何二年法紹昭烈於高

光也魏篡立吳割據昭烈親中山靖王之裔名正言順舍此安歸綱山揭章武之元而大書之然後正閏順逆各得其所故曰統正於下而人道定矣

綱夏四月漢中王即皇帝位

法書也書即皇帝位何正統也故孫曹皆斤姓名



書稱皇帝立后立太子皆不

**目**蜀中傳言帝已遇害

於是漢中王發喪制服諡曰孝愍皇帝羣下競勸王

稱尊號司馬費詩上疏曰殿下以曹操父子篡位故

羈雞也旅客也萬里合衆討賊今大敵未克而先自立

恐人心疑也王不悅左遷之遂卽位於武擔山名在四川成

都府治北之南大赦改元以諸葛亮爲丞相許靖爲司徒

致堂胡氏曰司馬氏以昭烈於中山靖王族屬疏遠不能紀其世數名位是非難辨遂抑之不得得紹漢統則未知其去取之意也自司馬氏至三國七百餘年固不能詳昭烈之世數而諸葛公去中山靖王纔三百餘年卓廬傾蓋之時卽稱玄德爲帝室之胄豈悲虛無據而云爾耶

費詩諫稱尊號

司馬氏未知去取之意



若秦始皇明為呂不韋之子。琅邪王脩顯著。小吏牛氏所生。可馬氏尚系諸秦。晉不革而正之。乃推獎荀彧。寬宥曹操。至謂操取天下於羣盜。非取之於漢室。而抑退漢之昭烈。不少假借於孔明北伐。又以入冠書之。亦獨何哉。

**綱**孫權徙治武昌。

**目**權自公安。

今湖廣荊州府公安縣。

徙都於

鄂。更名鄂曰武昌。

今湖廣武昌府。

**綱**立宗廟。祫。

合也。

祭高皇。

帝以下。**綱**五月立夫人吳氏為皇后。子禪為皇太子。

帝自將伐孫權。

吳氏將軍懿之妹。故

**綱**秋七月帝自將伐孫權。

書自法初。

劉璋兄瑁之妻也。平以來諸相加兵者。書攻擊而已。此其書伐何罪。吳且尊漢也。**目**帝恥關羽之沒。將

趙雲諫伐孫權。

擊孫權。將軍趙雲曰。國賊曹操非孫權也。若先滅魏。

則權自服。今操雖斃，子丕篡位，當因衆心，早圖關中。

今陝西居河渭上流，以討凶逆。關東義士，必裹糧策

馬以迎王師，不應置魏先與吳戰。兵勢一交，不得卒

解，非良策也。羣臣諫者甚衆，帝皆不聽，乃留諸葛

亮輔太子守成都，而自率諸軍東下。**綱**車騎將軍張

飛爲其下所殺。**目**飛雄猛，亞於關羽，羽善待卒伍，而

驕於士大夫。飛愛禮君子而不恤軍人，帝常戒之。飛

不悛。諡也。至是當率萬人會江州。今四川重慶府巴縣。臨發，爲

帳下所殺，以其首奔孫權。帝聞飛營都督有表曰：噫。



孫權遣陸遜督諸軍拒守

飛死矣。表當自飛上而都督越綱孫權請和不許遂

遣陸遜督諸軍拒守。孫權遣使求和。諸葛瑾因致

賤曰。關羽之親。何如先帝。荊州大小。孰與海內。俱應

仇疾。誰當先後。若審此數。易於反掌矣。帝不聽。時吳

人或言瑾別遣親人與漢相聞者。權曰。孤與子瑜瑾字

有死生不易之誓。子瑜之不負孤。猶孤之不負子瑜

也。陸遜亦表明瑾必無此。權報曰。玄德昔遣孔明至

吳。孤嘗語去聲子瑜曰。卿與孔明同產。何不畱之子瑜

言。亮已委質見五於人。義無二心。弟之不畱。猶瑾之

其言足貫神明

不往也。其言足貫神明。今豈當有此乎。孤與子瑜可謂神交。非外言可開。諫知卿意至。輒封來表示之矣。

帝遣吳班馮習攻破權將李異等於巫。

今四川夔州府巫山縣

進軍秭

子歸。今荊州府歸州

權以陸遜為大都督督朱然等

孫權遣使降魏

五萬人拒守。

綱

八月孫權遣使降魏。魏封權為吳王。

權遣使稱臣。送于禁。

見上

等還魏。朝臣皆賀。劉曄

魏劉曄諫受吳降

葉

獨曰。權無故求降。必內有急。恐中國往乘其釁。故

委地求降。一以却中國之兵。二假中國之援。以強其

衆。而疑敵人耳。夫吳蜀各保一州。有急相救。此小國



之利也。今自相攻。夫亡之也。宜大興師。徑渡江襲之。

蜀攻其外。我攻其內。吳之亡。不出旬月。吳亡。則蜀亦

不能久存矣。魏主不聽。遂受吳降。遣太常刑貞奉策

拜權為吳王。加九錫。見十八卷劉曄諫曰。夫王位去

天子一階耳。今信其偽降。崇其位號。以封殖之。是為

虎傅。附翼也。韓詩外傳曰。無為虎傅翼。將飛入邑。擇人而食。魏主不聽。貞至

張昭屈刑  
貞

吳權出都亭候貞。貞入門不下車。張昭曰。君敢自尊

大。豈以江南寡弱。無方寸之刃乎。貞即下車。中郎將

徐盛憤怒。謂同列曰。盛等不能奮身出命。為國家并

許今河南開封府許州洛

今河南河南府洛陽縣

吞巴

今四川重慶府蜀今四川成

徐盛涕泣橫流

都府

而令平聲

吾君與貞盟不亦辱乎因涕泣橫流

貞聞之謂其徒曰江東將相如此非久下人者也魏

主令于禁詣鄴

今河南彰德府謁高陵曹操墓

豫於陵屋畫關

羽戰克龐德

見上

憤怒禁降服之狀禁見慙志病死

冬十月孫權遣使如魏曰吳遣中大夫趙咨入謝

于魏魏主不問曰吳王何等主也咨對曰聰明仁智

雄略之主也魏主問其狀對曰納魯肅於凡品聰也

拔呂蒙於行陣明也獲于禁而不害仁也取荊州而

趙咨對魏主



兵不血刃智也。據有三州。虎視西方。雄也。屈身於陛下。略也。不曰頗知學乎。對曰。吳王任賢使能。志存經略。雖有餘閑。博覽經史。然不效書生尋章摘句而已。曰。吳可征不。對曰。大國有征伐之兵。小國有備禦之固。曰。吳難魏乎。對曰。帶甲百萬。江漢爲池。何難之有。曰。吳如大夫者幾人。對曰。聰明特達者八九十人。如臣之比。車載斗量。不可勝升數上。聲綱孫權立子登爲太子。目吳王權爲登妙選師友。以諸葛瑾子恪。張昭子休。顧雍子譚。陳武子表。爲中庶子。太子少入講。詩

書出從騎射待以布衣之禮謂之四友

綱壬寅二年

魏黃初三年。吳大帝孫權黃武元年。舊國一新國。凡二僭國。春正

月朔日食

二月帝進軍琥亭

今荆州府宜都縣

綱夏六

月吳陸遜進攻琥亭諸軍敗績帝還永安

今四州夔州府奉節

縣目帝自巫峽

在夔州府巫山縣

建平

即巫山縣

連營至夷陵

今荆

州府夷陵州

界立數十屯自正月與吳相拒至六月不決

遣吳班將數千人於平地立營吳將帥欲擊之陸遜

曰此必有譎且觀之帝知計不得行乃引伏兵八千

從谷中出遜曰所以不聽諸君擊之者以此故也遜



陸遜以火  
攻拔漢軍

將進攻漢軍諸將曰攻當在初今諸要害皆已固守

擊之必無利遜曰彼更耕事多其軍始集思慮精專

未可干也今住既久不得我便兵疲意沮計不復生

持雞上角左傳襄公十四年譬如捕鹿晉人角之諸戎持之言晉執其角以禦上戎戾其足以

亢下也此寇正在今日乃先攻一營不利遜曰吾已曉

破之之術乃勅各持一把茅以火攻拔之遜率諸軍

同時俱攻破四十餘營帝升馬鞍山在夷陵州西北陳兵自

繞遜促兵四面蹙之土崩死解死者萬數帝夜遁僅

得入白帝城在夔州府治東舟楫軍資略盡帝大慙恚曰吾

乃為陸遜所折辱豈非天邪初諸葛亮與法正好尚不同而以公義相取亮每奇正智術及是正已卒亮歎曰孝直法正字若在必能制主上東行就行必不危

曹丕謂昭烈不曉兵

矣初魏主丕聞漢兵樹柵析連營七百餘里謂羣臣曰彼不曉兵豈有七百里營可拒敵乎苞原隰險阻而為軍者為敵所禽此兵忌也孫權上事上破漢之事今至矣七日吳破漢書到綱秋八月將軍黃權叛降魏曹道絕降耳其書亦何責不死節也帝既敗退黃權在江北道絕不得還率其眾降魏有司請敗權妻子帝曰孤負權



權不負孤也待之如初魏主丕謂權曰君欲追蹤陳

韓陳平邪對曰臣受劉主厚遇降吳不可還蜀無路

是以歸命且敗軍之將免死為幸何古人之可慕也

不善之拜為鎮南將軍綱九月魏遣將軍曹休等擊

孫權魏主丕遣使責吳任子不至故伐之綱冬十月吳王權改元拒魏

十一月魏主丕自將擊之吳人來聘遣大中大

宗瑋報之

始不踰年  
改元

綱癸卯後主建興元年魏黃初四年書始不踰年綱

春魏師攻濡須見上卷別將圍江陵今荆州府江陵縣皆不

綱監易知錄 卷二十七 漢昭烈 十九

諸葛亮受遺詔輔政

系金身失金

卷二十一

克引還綱夏四月帝崩于永安丞相亮受遺詔輔政

五月太子禪即位尊皇后曰皇太后封亮為武鄉侯

領益州牧

書賀善贊曰五德末西綱目多恕辭領徐

詔以為至書見諸葛亮於隆中則綱目以來一書而已然其得涪城也書據牧益州也書自王漢中也書自立存獻帝也獻帝既廢於是特書即皇帝位如高  
光又揭其紀元而大書之后太子書皇存書帝沒書  
崩綱目於五德非私  
也惟其正而已矣  
**目**諸葛亮至永安見帝病篤命

亮輔太子禪以尚書令李嚴為副帝謂亮曰君才十

倍曹丕必能安國終定大事嗣子可輔輔之如其不

可君可自取亮涕泣曰臣敢不竭股肱之力效忠貞



諸葛亮發  
教羣下

之節繼之以死。帝又詔敕禪曰：勿以惡小而為之，勿以善小而不為。惟賢惟德，可以服人。汝父德薄，不足效也。汝與丞相從事，事之如父。帝崩，亮奉喪還成都，以嚴為中都護，留鎮永安。禪即位，時年十七。大赦，改元。封亮為武鄉侯，領益州牧。政事咸取決焉。亮乃約官職，脩法制，發教與羣下曰：夫參署長貳官其署事者，集衆思，廣忠益也。若遠去聲小嫌，難相違，覆曠闕損矣。違覆而得中，猶棄敝蹻脚，而獲珠玉，然人心苦不能盡。惟徐元直徐庶字處茲不惑。又董幼宰董和字參署七年。

事有不至至於十反來相啓告苟能慕元直之十一。

幼宰之勤渠有忠於國則亮可少過矣。又曰昔初交

州平

崔州平

屢聞得失後交元直勤見啓誨幼宰每言

則盡偉度

胡濟數朔

有諫正雖資性鄙暗不能悉納

與四子終始好合

然與此四子終始好合亦足以明其不疑於直言也

楊顯諫孔明自校簿

亮嘗自校簿書主簿楊顯諫曰爲治有體上下不可

相侵是故古人稱坐而論道謂之三公作而行之謂

之士大夫丙吉不問死人

見十六卷

陳平不知錢穀

見十一卷彼誠達於位分之體也。今公躬校簿書流汗



終日不亦勞乎亮謝之綱六月益州郡耆帥雍闓

開

等以四郡

益州未昌

叛目初益州

今雲南雲南府非四川成都也郡

耆帥雍闓殺太守求附於吳又使郡人孟獲誘扇諸

夷牂

臧

牂

歌今四

越

雖上聲今

皆

叛

應

闓丞

相亮以新遭大喪撫而不討務農殖穀閉門息民民

安食足而後用之綱秋八月遣尚書鄧芝使吳目帝

遣芝脩好

主

於吳時吳王猶未與魏絕不時見芝芝

請見曰臣今來亦欲爲吳非但爲蜀也吳王權見之

曰孤誠願與蜀和親然恐蜀主幼國小爲魏所乘不

王 鄧芝說吳

綱目易知錄

卷二十一

二十一

自全耳。芝曰：大王命世之英，諸葛亮一時之傑，蜀有重險，吳有三江，共為唇齒，進可兼并天下，退可鼎足而立。今若委質見上於魏，魏必望大王入朝求太子內侍。若不從命，則奉辭伐叛，蜀亦順流見可而進，如此則江南之地非復大王有也。權默然良久曰：君言是也。遂絕魏專，與漢連和。**綱目**立皇后張氏飛之女也

後皇帝

名禪，昭烈太子，在位四十年。晉武帝遣將入寇，帝出降。晉封為安樂公。以泰始七年薨，壽

六十

五歲

**綱目**甲辰二年

魏黃初五年，吳黃武三年

夏四月，吳人來聘，復遣鄧



芝報之。曰。吳使張溫來聘。復遣鄧芝報之。芝至吳。權  
謂曰。若天下太平。二主分治。不亦樂乎。芝對曰。天無  
二日。土無二王。如并魏之後。大王未識天命。君各茂  
其德。臣各茂其忠。則戰爭方始耳。權大笑曰。君之誠  
款。乃當爾邪。綱。秋八月。魏主丕以舟師擊吳。臨江而  
還。曰。魏主丕大興軍伐吳。畱尚書僕射夜司馬懿鎮  
許昌。今河南開封府許州親御龍舟至廣陵。今江南揚州吳將軍徐  
盛列舟艦。咸上聲於江而植木衣。去聲葦為疑城。假樓  
時江水盛長。丕臨望歎曰。魏雖有武騎千羣。無所用

精木衣葦

之未可圖也會暴風至龍舟幾覆於是旋師

綱之已三年

魏黃初六年吳黃武四年

春三月丞相亮南征

亮

率眾討雍闓等問計於參軍馬謖

速

謖曰南中恃其

險遠不服久矣今日破之明日復反夫用兵之道攻

心為上攻城為下心戰為上兵戰為下願公服其心

而已亮納之

綱

夏五月魏主丕以舟師伐吳

綱六月

吳以顧雍為丞相

目

雍為人寡言舉動時當權嘗歎

曰願公不言言必有中至宴樂之際左右恐有酒失

而雍必見之是以不敢肆情權亦曰願公在坐使人

顧公在坐  
使人不樂



不樂其見憚如此。初，領尚書令封侯還，而家人不知及爲相所用。文武吏各隨其能，心無適的。莫時訪逮民間及政職所宜，輒密以聞。用則歸之於上，不用終不宜洩權。以此重之。**綱**秋七月，丞相亮討雍閭，斬之。遂平四郡。**目**亮至南中，所在戰捷。由越嶲見上入，斬雍閭等。孟獲素爲夷漢所服，收餘衆拒亮。亮募生致之。旣得，使觀於營陳。陣間獲曰：「向者不知虛實，故敗。今祇如此，卽易勝耳。」乃縱使更戰。七縱七禽，而亮猶遣獲。獲止不去，曰：「公天威也，南人不復反矣。」遂入滇顯貴。

池在雲南益州見末昌今雲南未牂牁見越嶲見四

郡皆平綱冬十月魏師臨江而還目八月魏主丕以

舟師自譙今江南鳳陽府亳州循渦戈口渦水名自黃河東流經鳳陽府蒙城縣沿懷遠

縣東北與淮水合入淮十月於廣陵故城在揚州府城西南臨江觀

兵戎卒十餘萬旌旗數百里有渡江之志吳人嚴

兵固守時大寒冰舟不得入江丕見波濤洶湧歎曰

嗟乎固天所以限南北也遂歸

綱丙午四年魏黃初七年夏五月魏主丕卒書主書卒何

尊漢也至漢亡而綱初郭后無子魏主丕使母養平

天所以限南北



義聲充滿  
天地間

出師表

中原其予亮以討復之義矣。自是亮發亮自三顧而  
五伐魏必書丞相若右將軍予之也。明出之後開闢  
跋履左右昭烈未幾受遺輔政雖日平定南夷然漢  
業未復國賊未清固當乘時進取今焉身率大軍北  
駐漢中將以規恢關洛克復舊物其志豈肯苟安一  
隅而已。綱目書丞相亮率諸軍出屯漢中以圖中原  
其正大氣象讀之凜凜猶有生。亮率諸軍北駐漢  
意義聲充滿於天地之間矣。

中今陝西使長史張裔異參軍蔣琬統留府事臨發

上疏曰先帝創業未半而中道崩殂今天下三分益

州今四川疲敝此誠危急存亡之秋也。然侍衛之臣

不懈於內忠志之士忘身於外者蓋追先帝之殊遇

欲報之於陛下也誠宜開張聖聽以光先帝遺德恢

弘志士之氣不宜妄自菲薄引喻失義引喻淺近以失大義

塞忠諫之路也宮中禁府中將軍幕府俱為一體陟罰臧

否比不宜異同若有作姦犯科否及為忠善臧者宜

付有司論其刑罰賞陟以昭陛下平明無異之理不

宜偏私使內宮外府異法也侍中侍郎郭攸之費禕

衣俱董允為黃門侍郎等此皆良實志慮忠純是以先

帝簡拔以遺陛下愚以為宮中之事無大小悉以

咨之然後施行必能裨悲補闕漏有所廣益將軍向

寵性行淑均曉暢軍事試用於昔日先帝稱之曰能



平原不忍  
殺鹿子

原王獻

睿

獻母被誅

初不從操入鄴悅袁熙妻甄氏

操為聘焉生子獻及即位郭貴

嬪有寵甄氏曹鄴失意出怨言郭貴嬪譖殺之

故未建為嗣獻事后甚謹后

亦愛之不與獻獵見子母鹿既射

石

其母命獻射其

子獻泣曰陛下已殺其母臣不忍復殺其子不釋弓

矢為之惻然及是疾篤立為太子召中軍大將軍曹

真鎮軍陳羣撫軍司馬懿並受遺詔輔政而卒太子

獻即位初太子在東宮不交朝臣不問政事惟潛思

書籍即位後羣下想聞風采居數日獨見侍中劉曄

語盡日曄出或問何如曰秦皇漢武之儔才具微不

官寧不至

及耳涖政之始。陳羣首上疏曰：臣下雷同，是非相蔽。

固國之大患。然若不和睦，則有離黨而毀譽失實。二

者不可不深察也。**綱**冬，魏徵處士管寧不至。**目**寧在

遼東。見二十五卷十四三十七年，魏主丕徵之，乃浮海西歸。

以為大中大夫，不受。至是，華歆為太尉，讓位於寧，不

許。徵為光祿大夫，敕青州。今山東青州府給安車，吏從以禮

發遣，寧復不至。

**綱**丁未五年。魏明帝曹叡太和元年，吳黃武六年。春三月，丞相亮率諸

軍出屯漢中，以圖中原。**臣**劉禪之起書曰：興復帝室，臣特筆也。於是特書曰：以圖



是以衆議舉寵爲督。愚以爲營中之事，悉以咨之，必  
能使行陳和睦，優劣得所。親賢臣，遠去聲小人。此先漢  
所以興隆也。親小人，遠賢臣，此後漢所以傾頽也。先  
帝在時，每與臣論此事，興隆傾頽之事未嘗不歎息痛恨於  
桓、靈也。侍中尚書陳震長史張裔參軍蔣琬，此悉端良死節  
之臣。願陛下親之信之，則漢室之隆，可計日而待也。  
臣本布衣，躬耕南陽，苟全性命於亂世，不求聞達於  
諸侯。先帝不以臣卑鄙，猥自枉屈，三顧臣於草廬之  
中，諮臣以當世之事。由是感激，遂許先帝以驅馳。後

值傾覆

建安十三年當陽長阪之敗

受任於敗軍之際奉命於危

難之間

亮使吳求救於孫權

爾來二十有一年矣先帝知臣謹

慎故臨崩寄臣以大事也受命以來夙夜憂懼恐託

付不效以傷先帝之明故五月渡瀘

盧

深入不毛

建興

元年南中雍閭等以四郡叛三年春亮率衆南征其

秋悉平瀘水名在四川行都司城南其水深廣而多

蒺藜夏經之多死不今南方已定兵甲已足當獎率

毛謂不生草木也

三軍北定中原庶竭駑鈍攘除姦凶

謂曹

興復漢室

還於舊都

兩漢所都也

此臣所以報先帝而忠陛下之愛

分也至於斟酌損益進盡忠言則攸之禱允之任也



願陛下記臣以討賊興復之效不效則治臣之罪以告先帝之靈若無興德之言則責攸之禱允等之慢以彰其咎陛下亦宜自謀以諮諏善道察納雅言深追先帝遺詔臣不勝升受恩感激今當遠離臨表涕零不知所言

孔明有文  
上之小心

致堂胡氏曰孔明一代之英遠謀宏議無不售者至其自明之語曰謹慎而已何其絢也詩不云乎惟此文王小心翼翼昭事上帝聿懷多福若亮者有文王之小心矣彼劉禪凡庸何足以當元臣如此其敬而孔明事之靡不盡道握國魁相總御六師而無傳意恣行毫末可指者非盛德孰能臻此使曾操而聞孔明事幼主之規得不蓋愧而入地乎

魏書

戊申六年

魏大和二年  
吳黃武七年

春正月丞相亮伐魏戰于

街亭敗績詔貶亮右將軍行丞相事

書伐魏尊漢  
國也街亭之敗

馬謖為之書敗績矣復書貶亮其不為賢者諱何亮

自貶也書曰詔貶適所以昭平明之治何諱焉故自

是上書右初魏以夏侯淵子都督關中今陝西

將軍亮至是丞相亮將伐魏與羣下謀之司馬懿延曰

怯而無謀今假延精兵五千直從褒中今陝西漢中

出循秦嶺在西安府而東當子午谷名在西安府城

通南北而北不過十日可到長安今西安府楸聞延

故名至必棄城走比東方合聚尚二十許日而公從

奄忽也

魏延謀伐

魏延謀伐

魏延謀伐



斜耶谷在漢中府鳳縣來亦足以達如此則一舉而咸陽今

安府咸陽縣以西可定矣亮以此為危計不如安從坦道

可以平取隴右今陝西鞏昌府十全必克而無虞故不用延

引朋不用親延計

計乃率大軍攻祁山在鞏昌府西和縣北戎陳整齊號令明肅

始魏以昭烈既崩數歲寂然無聞是以略無備豫而

卒聞亮出朝野恐懼魏主叡如長安右將軍張郃率

步騎五萬拒之亮使參軍馬謖速督諸軍與郃戰于

馬謖街亭之敗

街亭在鞏昌府秦州謖違亮節度舉措煩擾舍水上山不下

據城郃絕其汲道擊大破之亮乃拔西縣故城在鞏昌府秦州

千餘家還漢中。初亮以謖才術過人深加器異。昭烈臨終謂曰。謖言過其實不可大用。君其察之。亮未以爲然。引謖參軍事。每與談論自晝達夜。至是乃收殺之。而自臨祭爲之流涕。撫其遺孤。恩若平生。亮上疏請自貶三等。詔以右將軍行丞相事。亮於是引咎責躬。布所失於天下。厲兵講武。以爲後圖。亮之出祁山也。天水卽輦昌府參軍姜維詣亮。降亮美其膽智。使典軍事。

姜維膽智

致堂胡氏曰。兵行詭道。求勝而已。延之計可用。甚明。而孔明不從。或謂孔明長於治國而短於



孔明節制  
之師

將略或謂孔明疑延不敢委也是皆不然曹操  
既死夫下無孔明對使天而昌漢則孔明由斜  
谷出自足擒敵而賊懿矣魏延行險以僥倖者  
也孔明節制之師其止如山其進退如風何以  
僥倖為以此一事觀之使孔明從漢高入關則  
與秦將連和啖以利因其懈怠而擊之之事必  
不為矣此可為明道正誼者言之直漢高見八  
非急於近功小利之人所能解也註卷三十

**綱**夏五月吳人誘魏揚州牧曹休戰于石亭大敗之

**目**吳使鄱陽今江西饒州太守周魴房詐以郡降

於魏魏揚州牧曹休率步騎十萬向皖遷上聲。今江南安慶府

懷寧縣以應之八月吳主權至皖以陸遜為大都督朱

桓全琮為左右督各督三萬人以擊休戰于石亭在安

曹休石亭  
之敗

慶府潛山縣

遜令桓琮爲左右翼三道俱進衝休伏兵因

驅走之追至夾石

在安慶府桐城縣北

斬獲萬餘資仗略盡

綱

冬十二月右將軍亮伐魏圍陳倉不克而還斬其追

將王雙目右將軍亮聞曹休敗魏兵東下關中虛弱

後山師表

欲出兵擊魏羣臣多以爲疑亮言於帝曰先帝以漢

賊不兩立主業不偏安故託臣以討賊以先帝之明

量臣之才固知臣才弱敵彊然不伐賊主業亦亡惟

坐而待亡孰與伐之是故託臣而弗疑也臣受命之

日寢不安席食不甘味思惟北征宜先入南故五月



渡瀘深入不毛

見上

臣非不自惜也。顧王業不可偏安。

於蜀都。故冒危難以奉先帝之遺意也。而議者謂為

非計。今賊適疲於西。

正月亮攻祁山

又務於東。

八月吳敗曹休

兵法

乘勞此進趨之時也。且高帝明並日月。謀臣淵深。然

涉險被創。

昌傷也

危然後安。今陛下未及高帝。謀臣不

如良平。

張良陳平

而欲以長計取勝。坐定天下。此臣之未

解一也。劉繇王朗各據州郡。

見二五卷二二二六

論安言計。

論安

危言計策

動引聖人。羣疑滿腹。衆難塞胸。今歲不戰。明年

不征。使孫策坐大。

坐以致大

遂并江東。

見同上。繇朗皆守一隅以致敗者。

故引以此臣之未解二也。本傳更有未解二段臣到漢中。見上二十

五、中閒期年已喪趙雲等及曲曲部長屯將七十餘人。

突將武騎一千餘人皆數十年所糾合四方之精銳。

非一州之所有。若復數年則損三分之二。當何以圖。

敵此臣之未解三也。今民窮兵疲而事不可息。事不。

可息則佳與行。請守與戰勞費正等而不及虛圖之欲以。

一州之地與賊支久。此臣之未解四也。夫難平者事。

也。昔先帝兵敗於楚。操追備及於當陽之長阪備棄妻子走曹操拊手。

謂天下已定矣。然先帝東連吳越。赤壁破曹西取巴蜀。進兵



圍成都舉兵北征夏侯授首斬夏侯淵此操之失計而漢

取劉璋事將成也其後吳更違盟關羽毀敗孫權遣呂蒙秭

子歸府今荆州蹉跌備恥關之沒自將伐權進曹丕稱

帝凡事如是難可逆見臣鞠躬盡力死而後已至於

成敗利鈍非臣之明所能逆覩也十二月引兵數萬

出散關在陝西鳳翔府寶雞縣圍陳倉即寶雞縣不克亮糧盡引還

魏將軍王雙追亮亮擊斬之

糸金易千金

卷二十一

三

此篇文字模糊，难以辨识。依稀可见“金”、“易”、“金”等字，可能与标题“糸金易千金”有关。文字排列呈纵向，但因墨迹扩散和纸张老化，内容无法准确转录。



尺木堂綱鑑易知錄卷二八

周之炆靜專

通鑑綱目定本

山陰吳乘權楚材同輯

周之燦星若

後漢紀

後皇帝

綱已酉七年

魏太和三年吳黃龍元年

春右將軍亮伐魏拔武都

今陝西鞏昌府

陰平

今鞏昌府文縣

復拜丞相

綱夏四月吳王孫

權稱皇帝曰吳王權即皇帝位大赦改元追尊父堅

為武烈皇帝兄策為長沙桓王立子登為太子以諸

葛恪為太子左輔張休為右弼顧譚為輔正陳表為

翼正謝景范慎羊衛古文道字等為賓客於是東宮號多

胡綜作賓客

士太子使侍中胡綜作賓友日曰英才卓越則諸葛

恪精識時機則顧譚凝辯宏達則謝景究學甄真微

羊衛私駁多士

則范慎羊衛私駁之曰元遜諸葛恪字才而疏子嘿顧譚字

精而很叔發謝景字辯而浮孝敬范慎字深而陋恪等惡

之其後皆敗如衛所言綱秋九月吳遷都建業見十六

卷二使上大將軍陸遜輔太子登守武昌見上卷  
十四  
**四**



劉劭先刑  
後禮論

南陽今河南劉廙亦嘗著先刑後禮論同郡謝景稱

之於遜遜呵景曰禮之長於刑久矣廙以細辯而

先聖之教君侍東宮宜遵仁義以彰德音若彼之談

不須講也

魏立郎吏  
課試法

綱庚戌八年魏太和四年春二月魏立郎吏課試法

尚書諸葛誕等有罪免目魏尚書諸葛誕中書郎鄧

四聰

颺等結為黨友更耕相題表以夏侯玄等為四聰誕

八達

輩為八達中書監劉放子熙中書令孫資子密吏部

尚書衛臻子烈以父居勢位容之為三豫行司徒事

董昭上疏曰凡有天下者莫不貴樸忠之士疾虛僞之人以其毀教亂治敗俗傷化也竊見當今年少不復以學問爲本專以交游爲業國士不以孝悌清脩爲首乃以趨勢游利爲先合黨連羣互相褒歎此皆法之所不取刑之所不赦也魏主叡善其言詔郎吏學通一經才任牧民博士課試擢其高第者亟用其浮華不務道本者罷退之仍免誕颺等官

綱秋七月

魏寇漢中

見上卷二十五

丞相亮出次成固

今漢中府城固縣

九月

魏帥還

綱

冬十二月丞相亮以蔣琬爲長史

亮數



朔外山琬常足食足兵以相供給亮每言公琰字琬

託志忠雅當與吾共贊王業者也

綱辛亥九年魏太和五年春二月丞相亮伐魏圍祁

山見上卷綱自十月不雨至于三月綱夏五月亮敗

魏司馬懿于鹵城殺其將張郃目魏遣司馬懿屯長

安今陝西西安府長安縣督將軍張郃郭淮等以禦漢懿留精

兵四千守上邽故城在陝西鞏昌府秦州餘衆悉救祁山亮分兵

攻祁山自逆懿於上邽與懿遇於上邽之東懿斂軍

依險兵不得交亮引還懿躡其後至於鹵城在鞏昌府西和

諸葛亮敗  
司馬懿于  
鹵城

司馬懿畏  
蜀如虎

又登山掘營不肯戰。賈詡魏平數請戰。曰。公畏蜀

如虎。奈天下笑何。懿病之。乃使張郃攻南圍。自按中

道向亮。亮使魏延等逆戰。魏兵大敗。懿還保營。亮以

糧盡退軍。懿遣郃追之至木門。

地名在鞏昌府秦州

與亮戰。中

李平廢徙  
梓潼

伏弩而卒。

**綱**

秋八月。中都護李平有罪。廢徙梓潼。

丞相亮之攻祁山也。命李嚴以中都護署府事。更

耕

名平。會天霖雨。平主督運。恐糧不繼。遣參軍諭指呼

亮來還。亮既退軍。平乃更言軍糧饒足。何為而退。欲

殺督運以解不辦之責。又表言軍偽退以誘賊。亮出



孔明出教  
敕李豐

孔明與蔣  
琬董允書

青龍見魏  
摩陵井中

其前後手書本末違錯平辭窮謝罪於是亮表其前

後過惡免官削爵土徙梓潼郡今四川復以平子豐

為中郎將參軍事出教敕之曰吾與君父子戮力并

也。以獎王室謂至心感動終始可保何圖中乖乎若

都護思負一意君與公琰蔣琬字推心從事否蔣琬字可復

通逝可復還也又與蔣琬董允書曰孝起陳震字前為

吾說正方李平字腹中有鱗甲鄉黨以為不可近吾謂

鱗甲者但不當犯之耳不圖復有蘇張蘇秦張儀之事也

綱癸丑十一年魏青龍元年春正月青龍見現魏摩

綱益陽中錄卷二十八漢後帝

敗在河南河南府洛陽縣井中。二月，魏主叡往觀之。發龍在天明之物而

見於井中其始芳髦失位之兆乎叡往觀之。不知警省故書以示譏。

**綱**甲寅十二年魏青龍二年春二月，丞相亮伐魏。

木牛流馬

初，丞相亮勸農講武，作木牛流馬。其法詳杜佑通典注運米集

斜耶谷。在陝西漢中府鳳縣治邸底閣倉敖也。息民休士。三年

而後用之。至是，悉衆十萬出斜谷伐魏，遣使約吳同

時大舉。**綱**三月，魏山陽公卒。諡曰漢孝，蜀山陽公白獻皇帝。**法**廢至是十

五年矣。於是書卒。**書****綱**夏四月，丞相亮進軍渭南。魏

大將軍司馬懿引兵拒守。亮始分兵屯田。**目**丞相亮



至郿眉口今陝西鳳翔府郿縣軍於渭水在鳳翔府寶雞縣南之南司馬懿

引軍渡渭背水爲壘以拒之謂諸將曰亮若出武功

今陝西西安府武功縣依山而東誠爲可憂若西止五丈原在郿

縣諸將無事矣亮果屯五丈原亮以前者數朔出皆

以運糧不繼使已志不伸乃分兵屯田爲久駐之基

耕者雜於渭濱居民之間而百姓安堵軍無私焉

致堂胡氏曰司馬懿之言譎也實畏孔明屯五丈原又憚於逆擊故爲此語以安其下爾孔明此舉蓋不復爲退計矣親統大軍入他人境久駐而魏師不敢攻雜耕而居民無所苦三代之兵若時雨孔明其庶幾矣或譏其短於將略誤矣

孔明庶幾  
二代之兵

綱秋八月丞相武鄉侯諸葛亮卒于軍長史楊儀引

軍還前軍師魏延作亂儀擊斬之

明發嗚呼亮自經略中原至是首尾

僅入載綱目五書伐魏一戰街亭一次成固一圍陳

倉邠山一拔武都陰平一斬王雙敗司馬懿殺張郃

至於舉書進軍渭南分兵屯田懿雖引兵拒守甘

受巾幘婦人之服勢已窮蹙而亮乃告終天不祚漢

使之功業不就謂之何哉然亮受遺託孤之際蓋嘗

以竭股肱之力効忠貞之節繼之以死為告至其出

軍上表又以鞠躬盡力死而後已為言由今觀之可

謂不食其言矣書卒于軍以見效於王事之實其討

賊之義死而不屈至今凜凜猶有生氣其視曹馬輩

欺孤弱寡孤媚以取人家國者曾大幾之不若世豈

可以成敗論人物哉不有綱目特書屢

書表而出之則孔明亦若而人耳噫

亮數挑戰

懿不出乃遺

聲以巾幘國口婦人喪冠婦人之服鄙其無丈夫之志也

孔明不食其言



孔明食少事煩

懿怒上表請戰亮謂姜維曰彼本無戰情所以固請者以示武於衆耳亮遣使者至懿軍懿問其寢食及事之煩簡而不及戎事使者曰諸葛公夙興夜寐罰二十已上皆親覽焉所噉啖食不至數升懿告人曰孔明食少事煩其能久乎亮病篤帝使僕射夜李福省侍因諮大計亮曰公所問者公琰蔣琬其宜也又請其次亮曰文偉費禪可又問亮不答八月薨長史楊儀整軍而出百姓奔告懿懿追之姜維令儀反旗鳴鼓若將向懿者懿不敢偪於是儀結陳而去入谷

然後發喪。百姓爲

去聲

之語曰。死諸葛走生仲達。

司馬懿字

懿聞之笑曰。吾能料生。不能料死故也。亮嘗推演兵

法作八陣圖。

其法詳綱目集覽

至是懿案行其營壘歎曰。天

下奇才也。追至赤岸。

在漢中府城西

不及而還。初前軍師魏

延勇猛過人。善養士卒。每欲請兵萬人與亮異道會

於潼關。

在西安府華陰縣東

如韓信故事。亮不許。延常謂亮怯

不能盡用已才。儀爲人幹。敏亮每出軍。儀規畫分部

籌度糧穀。咸取辦焉。延性矜高。當時皆下之。惟儀不

假借。延以爲至忿。亮病篤。作退軍節度令。延斷

短後



姜維次之。亮薨，延曰：「魏延何人，嘗爲楊儀作斷後將乎？」儀等案亮成規引還，延率所領先歸，逆擊儀等，儀遣將斬之，夷三族。初，亮表於帝曰：「臣成都有桑八百株，薄田十五頃，子弟衣食自有餘饒，不別治生以長尺寸。臣死之日，不使內有餘帛，外有贏財，以負陛下。」至是卒如其言。長史張裔異賞稱亮曰：「公賞不遺遠，罰不阿近，爵不可以無功取，刑不可以貴勢免。此賢愚所以僉忘其身者也。」

陳壽曰：「亮爲相國，撫百姓，示儀規，約官職，從權制，開誠心，布公道，盡忠益時者雖讎，必賞；犯法

孔明用心  
而勸戒

廖六虎徒  
無絕言

怠慢者雖親必罰服罪輸情者雖重必釋游辭  
巧飾者雖輕必戮善無微而不賞惡無纖而不  
貶庶事精練物理其本循名責實虛偽不齒終  
於邦域之內畏而愛之刑政雖峻而無怨者以  
其用心平而勸戒明也可謂  
識治之良才管蕭之亞匹矣

曰初長水校尉名廖料立自謂才各宜為亮副快快

怨謗亮廢立為民徙之汶山今四川成都府茂州及亮薨立垂

泣曰吾終為左衽矣李平見上聞之亦發病死平常

冀亮復收已得自補復策後人不能故也

習鑿齒曰昔管仲奪伯氏駢邑三百沒齒而無  
怨言聖人以為難亮使廖立垂泣李嚴致死豈  
徒無怨言而已哉夫水至平而邪者取法鑑至  
明而醜者忘怒以其無私也況大人君子懷樂



生之心。流敬恕之德。法行於不可不用刑。加平  
自犯之罪。爵之而非私。誅之而不怒。天下有不  
服者乎。

魏洛陽地  
震

魏作洛陽  
宮

綱以吳懿為車騎將軍。督漢中。蔣琬為尚書令。總統

國事。目時新喪元帥。遠近危悚。琬拔處羣僚之右。既

無威容。又無喜色。神守舉止。有如平日。由是眾望漸

服。綱冬十一月。魏洛陽今河南河南府洛陽縣地震。

綱乙卯十三年。魏青龍三年。吳嘉禾四年。夏四月。以蔣琬為大將

軍。錄尚書事。費禕為尚書令。綱魏作洛陽宮。目魏主

叡好土功。既作許昌今河南開封府許州宮。又治洛陽宮。起昭

陽太極殿築總章觀貫高十餘丈。力役不已。農桑失

業。陳羣諫曰。昔禹承唐虞之盛。猶卑宮室而惡衣服。

況今喪亂之後。人民至少。邊境有事乎。漢明帝欲起

德陽前殿。鍾離意諫而止。後復作之。謂羣臣曰。鍾離

尚書在。不得成此殿也。夫王者豈憚一臣。蓋為百姓

也。獻為之少省。**綱**秋七月。魏崇華殿災。**綱**八月。魏立

子芳為齊王。詢為秦王。**目**魏主叡無子。養二王為已

子。宮省事祕。莫知其由來者。或云芳任城王楷之

子也。**綱**魏復立崇華殿。**目**魏主叡復立崇華殿。更耕

魏崇華殿災

立子莫知其所由來



諫  
名九龍

作者三四萬人陵霄閣始構有鵲巢其上魏

主以問高堂

複姓隆

對曰詩曰惟鵲有巢惟鳩居之今

始構闕而鵲巢之天意若曰宮室未成身不得居將

有他姓制御之耳天道無親惟與善人今宜休罷百

役增崇德政則可以轉禍爲福矣叔性嚴急督脩宮

室有稽限者親名問之言猶在口身首已分散騎常

侍王肅諫曰人命至重難生易殺是以聖賢重之昔

漢文帝欲殺犯蹕者張釋之曰方其時上使誅之則

已今下廷尉廷尉天下之平不可傾也

見十一卷臣

魏王肅諫  
輕殺

同監易口張

卷二十八

漢後帝

七

魏張掖  
石負圖

以爲大失其義。廷尉天子之吏也。猶不可以失平。而天子之身反可以惑謬乎。斯重於爲已而輕於爲君。

不忠之甚也。不可不察。邇冬十月魏張掖漏石負

圖書有書隕石者矣。有書立石者矣。未有書漏石者矣。而文曰大討曹天之葉。曹氏也。決矣。

而詔頒天下以爲嘉瑞亦愚矣哉。張掖今陝西行都司甘肅州衛柳谷口水溢

漏寶石負圖有文曰大討曹詔書班天下以爲嘉瑞

任今直隸順德府狂縣令于綽以問鉅鹿今順德府鉅鹿縣張醇孝

曰夫神以知來不追已往祥兆先見現而後廢興從

之今漢久亡魏已得之何所追與祥兆乎此石當今



吳鑄大錢

之變異而將來之符瑞也。

綱丙辰十四年。魏青龍四年。吳嘉禾五年。春吳鑄大錢。曰一當五。

白。綱二月吳婁。樓。今江南松。江府華亭縣。侯張昭卒。目昭容貌。

矜嚴有威風。吳主權以下皆憚之。卒年八十一。綱冬。

同月再字

十月有星孛于大辰。房心尾也。又字于東方。書元封之元。嘗書又字。

矣。然書秋不書月。則同時也。未有同。元封又字見。月書又字者。一月再字甚大異也。註十四卷二十。

三。目魏高堂隆上疏曰。夫采椽。取木為椽。不刮削也。卑宮唐虞。

大禹之所以重皇風也。玉臺瓊室。夏癸商辛之所以。

犯昊天也。今宮室過盛。天譴章灼。斯乃慈父懇切之。

訓當崇孝子祇聳之禮不宜有忽以重天怒魏主叡

不悅侍中盧毓育子植進曰臣聞君明則臣直古之

聖王惟恐不聞其過此臣等所以不及降也叡意乃

陳羣封事  
削草

解綱魏司空陳羣卒綱羣前後數別上封事輒削其

草雖子弟莫知也或譏其居位拱默及正始魏主曹芳年號

中詔撰名臣奏議朝士乃見羣諫事皆歎息焉綱魏

令公卿舉才德兼備之士曰時司馬懿以兗州今山東兗

刺史王昶唱應選昶為人謹厚名其兄子曰默曰

沉子曰渾曰深為書戒之曰吾以四者為名欲爾曹

王昶戒了



也。顧名思義不敢違也。夫物速成則疾亡。晚就則善。終朝華之草。夕而零落。松柏之茂。隆寒不衰。是以君子戒於闕黨也。夫能屈以爲伸。讓以爲得。弱以爲彊。鮮不遂矣。毀譽平聲者。愛惡之原。而禍福之機。不可輕也。人或毀已。當退而求之於身。若已有可毀。則彼言當矣。無可毀。則彼言妄矣。當則無怨於彼。妄則無害於身。又何報焉。諺曰。救寒莫如重裘。止謗莫如自脩。斯言善矣。

魏以三月  
爲夏四月

綱丁巳十五年

魏景初元年  
吳嘉禾六年

春正月。魏黃龍見。以三

月爲夏四月

書建丑也然則書以三月爲四月可矣

改月數漢初承秦建亥書冬十月則秦漢雖改正而其爲冬自若也今改月數以三爲四末論也而以春

爲夏是變易四時之實矣故書夏譏之

高堂隆以魏得土德故其瑞

黃龍見現宜改正朔易服色以變民耳目魏主叡從

之遂以建丑之月爲正服色尚黃牲用白

綱夏六月

魏地震  
綱魏以陳矯爲司徒  
魏主叡嘗卒  
粹至尚

書門矯跪問曰陛下欲何之曰欲案行文書耳矯曰

此自臣職分非陛下所宜臨也若臣不稱  
去聲職請就

黜退叡慙而反  
問矯司馬公  
忠貞可謂社



魏鑄銅人  
起土山

翁仲

公卿負土

稷之臣平。矯曰朝廷之望也。社稷未之知也。**綱**秋七

月皇后張氏崩。**綱**冬十月魏鑄銅人起土山於芳林

園。**目**魏主叡徙長安。今陝南西安府長安縣鐘簋同錄口秦始

卷案佗始皇所鑄銅人即始皇所鑄承露盤漢武帝

十四卷於洛陽今河南河南府洛陽縣盤折聲聞數十里銅人

重不可致大發銅鑄銅人二號曰翁仲列坐於司馬

門天子門有司馬外又鑄黃龍鳳皇置內殿前起土

山於芳林園在河南府城東北隅使公卿皆負土樹雜木善草

捕禽獸致其中。**綱**魏光祿勳高堂隆卒。**目**隆疾篤口

尚堂隆口  
占上疏

占去聲隱度其辭上疏曰黃初曹丕年號之際天兆其

戒異類之鳥育長燕巢此大異也宜防鷹揚如鷹之飛揚而

將擊言其猛也詩大雅大明之臣指司馬懿於蕭牆之內

可選諸王使典兵某時池上聲時立也鎮撫皇畿

翼亮相也帝室魏主叡手詔慰勞去聲之未幾而卒綱魏

作考課法不果行目魏主叡深疾浮華之士詔吏部

尚書盧毓曰選舉勿取有名名如畫地作餅不可啖

也毓對曰名不足以致異人而可以得常士常士

畏教慕善然後有名非所當疾也今考績見一卷之

畫地作餅



法廢而以毀譽平聲為進退故真偽渾雜虛實相蒙戲

納其言詔散騎常侍劉邵作都官考課法七十二條

下百官議議久不決事竟不行

綱戊午延熙元年魏景初二年春正月魏遣太尉司

馬懿擊遼東討公孫淵也淵康子建興六年魏主獻

拜淵為綱二月立皇后張氏前後立子璿旋為皇

太子綱大司農孟光問太子讀書及情性好尚於祕

書郎邵隙正正曰奉親虔恭舉動仁恕有古世子之

風光曰此皆家戶所有耳吾欲知其權略智調去聲何

吳鑄當千大錢

如也。正曰：世子之道在於承志竭歡，既不得妄有施為，智調藏於胸懷，權略應時而發，此之有無焉可豫知也。光曰：今天下未定，智意為先，儲君讀書寧當效吾等竭力博識，以待訪問如博士探策。探試取也，不知主文所問何策，試取而答，講試以求爵位，邪當務其急者之，即所謂射策也。正深然之。綱吳鑄當千大錢。秋八月，魏司馬懿克遼東，斬公孫淵。綱冬十二月，蔣琬出屯漢中。魏主叡有疾，立郭夫人為后，名司馬懿入朝，以曹爽為大將軍。



綱乙未二年

魏景初三年吳赤烏二年

春正月魏司馬懿至洛陽

與爽受遺輔政魏主叡卒太子芳立

書受遺詔多矣此其獨書

受遺何不與魏之有詔也故太子書立不書即位叡立不書芳何以書正始也則司馬氏廢主之罪著矣

綱司馬懿至洛陽入見魏主叡執其手曰吾以後事

屬視

君君與曹爽輔少子死乃可忍吾忍死待君得

相見無恨矣乃召二王示懿別指齊王芳曰此是也

君諦

帝審也

視之勿誤也又教芳前抱懿項懿頓首流

涕於是芳年八歲即日立為太子叡尋卒芳嗣位尊

皇后曰皇太后爽懿並加侍中都督中外諸軍錄尚

書事。綱。二月。魏以司馬懿為太傅。何晏為尚書。綱。夏。

以蔣琬為大司馬。目。東曹掾。硯。楊戲素簡略。琬與言。

蔣琬不貢  
楊戲

論戲時不應。或謂琬曰。戲慢公矣。琬曰。人心不同。各。

如其面。面從後言。古人所誠。戲欲贊吾是邪。則非其。

本心。欲反吾言。則顯吾之非。是以默然耳。督農楊敏。

嘗毀琬曰。作事憤憤。貽貌誠不及前人。主者請推。

蔣琬不罪  
楊敏

治之。琬曰。吾實不及前人。無可推主者。請問憤憤之。

狀。琬曰。苟其不如。則事不理事不理。則憤憤矣。後敏。

坐事繫獄。眾猶懼其必死。琬心無逆。前莫敏得免重。



罪。綱。冬十二月。魏復以建寅之月為正。

綱。辛酉四年。魏主曹芳正始二年。吳赤烏四年。夏四月。吳太子登卒。

綱。蔣琬徙屯涪。浮。今四川成都府綿州。綱。魏置淮南。屯田廣。

管寧卒於魏

漕渠。綱。管寧卒於魏。書布衣也。何以卒錄賢也。然則其書卒於魏。何不使魏得臣

之也。是故孟軻天下之大賢也。書至魏而不書鄒孟軻。管寧亦天下之善士也。書卒於魏而不書魏。管寧

目寧名行高潔。人望之者邈。莫然若不可及。即之熙

熙和易。能因事導人。於善人皆化服。年八十四卒。天

下知與不知。聞之無不嗟嘆。

綱。壬戌五年。魏正始三年。吳赤烏五年。春正月。監軍姜維自漢中

徙屯涪。吳立子和為太子霸為魯王。

綱癸亥六年。

魏正始四年吳赤烏六年

夏五月朔日食既。

法書食既大變

也。自是陳祇黃皓用事而漢亡矣。故謹書之。

綱冬十月遣前監軍王平督

漢中。十一月以費禕為大將軍錄尚書事。

綱甲子七年。

魏正始五年吳赤烏六年

春正月吳以陸遜為丞相。

綱三月魏曹爽寇漢中閏月費禕督諸軍救之曰魏

征西將軍夏侯爽姑子也辟李勝為長史勝及鄧

颺欲爽立威名於天下勸使伐蜀司馬懿止之不得。

三月爽至長安。

今陝西西安府長安縣

萬與玄自駱



谷關名在西安府盩厔縣西南。盩厔音周質。入漢中。今陝西漢中府。漢中守兵

不滿三萬。諸將皆恐。欲守城不出。以待涪。見兵。王平

曰。此去涪垂千里。賊若得關。便為深禍。遂遣護軍劉

敏據興勢。山名在漢中府洋縣。多張旗幟。彌亘百餘里。閏月。帝

來敏詣費禪求共圍

遣費禪救漢中。將行。光祿大夫來敏詣禪別求共圍

基時羽檄吸交至。人馬患。甲嚴嚴莊也。莊治。駕嚴莊也。莊治。馬嚴莊也。莊治。日嚴莊也。莊治。已嚴莊也。莊治。訖嚴莊也。莊治。禪與對戲。了無倦色。敏曰。向聊觀試君耳。

君信可人。必能辦賊也。綱夏五月。魏軍退走。綱冬。以

費禪兼益州刺史。董允守尚書令。目蔣琬以病固讓

費禪兼益州刺史。董允守尚書令。目蔣琬以病固讓

費禪兼益州刺史。董允守尚書令。目蔣琬以病固讓

州職於禕時國務煩猥。禕識悟過人。為尚書令。省

讀文書。舉目究意。終亦不忘。常以朝晡補平聲申時聽事。

其間接納賓客。飲食博戲。盡人之歡。而事無廢闕。及

允代禕。始欲敷法效之。旬日之中。已多愆滯。乃歎曰。

人才相遠如此。非吾所及也。乃聽事終日。而猶有不暇焉。

綱乙丑八年。魏正始六年。吳赤烏八年。春。吳丞相陸遜卒。秋八

月。皇太后吳氏崩。冬十一月。大司馬蔣琬卒。綱十

二月。尚書令董允卒。以中常侍蔣琬為中常侍。書中常侍以

以黃皓為中常侍



陳祗與黃皓相表裏

宦者為之宜矣。則其書何老。本也。是故董允卒而黃皓用。李絳出而承璫入。綱目每聯書之。所以著君不兩立也。註六卷上。目董允秉心公亮。獻替盡忠。

帝甚憚之。宦者黃皓便辟佞慧。有寵允數。朝責之。皓畏允不敢為非。終允之世。位不過黃門丞。費禕以選曹郎陳祗代允為侍中。祗矜厲有威容。多技藝。挾智數禕以為賢。越次用之。祗與皓相表裏。皓始預政。遷中常侍。操弄威柄。終以覆國。

致堂胡氏曰。劉禪得衆賢扶特。僅能守國末年。用一黃皓。遂至覆宗。黃皓之為小人。固亦非淺淺者矣。而董允上則規益漢主。以嚴見憚。下則抑制黃皓。不敢為非。此賢者之所難也。諸葛公

既殂漢之末亡實允是賴費禕有慙德矣

綱丙寅九年

魏正始七年吳赤烏九年

秋九月赦

百大司農孟光

孟光

於衆中責費禕曰赦者偏枯之物非明世所宜有也

必不得已乃可權而行之今有何急而數施非常之

恩以惠姦宄乎禕顧謝踧踖而已初丞相亮時有言

公惜赦者亮答曰治世以大德不以小惠故匡衡

見

七卷吳漢

見二十一卷九

不願爲赦先帝亦言吾周旋陳元

方

陳紀鄭康成

鄭五

閒每見啓告治亂之道悉矣曾

不語赦也若劉景升

劉表

父子歲歲赦宥何益於治



乎綱以姜維爲衛將軍與費禕並錄尚書事

綱丁卯十年魏正始八年吳赤烏十年春二月魏遷其太后於永

寧宮日曹爽用何晏等謀遷太后擅朝政多樹親黨

司馬懿不能禁遂稱疾不與政事

綱戊辰十一年魏正始九年吳赤烏十一年夏四月魏以徐邈莫

徐邈不受  
司空

爲司空不受日魏以光祿大夫徐邈爲司空邈歎曰

三公論道之官無其人則闕豈可以老病養之哉遂

固辭不受綱五月費禕出屯漢中

司馬懿殺  
曹爽

綱己巳十二年魏嘉平元年吳赤烏十二年春正月魏司馬懿殺

曹爽及何晏等夷其族

曹爽罪甚矣其書殺何惡懿法也司馬氏之威始此矣然

則爽無罪歟爽等不書官所以罪之也

曹爽驕奢無度飲食衣服擬

於乘輿又私取先帝才人以爲伎樂作窟

坤入聲室掘地

爲室與何晏等縱酒其中弟義泣諫不聽又兄弟數

俱出遊司農桓範謂曰總萬機典禁兵不宜並出若

有閉城門誰復內人者爽曰誰敢爾邪是月魏主芳

詣高平陵

魏明帝曹叡之墓在河南河南府孟津縣

爽與弟義訓彥皆從

司馬懿與子師昭謀誅之以太后令召桓範範欲應

命其子曰車駕在外不如南出範乃出懿謂蔣濟曰



舊馬戀棧

智囊欲矣濟曰。駕馬戀棧。殘上聲。馬阜。必不能用也。範

勸爽以天子詣許昌。見入。發四方兵自輔。爽兄弟不

從。自甲夜。初更也。至五鼓。爽乃投刀於地曰。我亦不失

作富家翁。範哭曰。曹子丹。曹真字爽之父。佳人。猶言佳士。生汝兄

弟。豈同犢耳何圖。今日坐汝族滅也。爽兄弟歸家。懿

發吏卒圍守之。有司奏黃門張當私以所擇才人與

爽疑有奸。收付廷尉考實。辭云。爽與何晏鄧颺丁謐

畢軌李勝等謀逆。於是收爽羲等并桓範張當俱夷

三族。先是宗室曹罔上書曰。古者必建同姓以明親

親必樹異姓以明賢賢親疎並用故能保其社稷今  
州郡牧守皆跨有千里兼軍武之任或比國數人或  
兄弟並據而宗室子弟王空虛之地君不使之民曾  
無一人閒諫廁也其閒與相維制非所以彊幹弱枝  
備萬一之虞也語曰百足之蟲至死不僵去以其扶  
之者衆也此言雖小可以譬大罔欲以感寤曹爽爽  
不能開及懿開門爽司馬魯芝聞變欲出赴難呼參  
軍辛敞目上欲與俱敞謀於其姊憲英曰天子在外  
太傅閉城門人云將不利國家於事可得爾乎憲英



辛敞謀姊  
獲義

此非始慮  
所及

曰以吾度之。大傳誅曹爽耳。然則事就乎。曰得無殆。  
 就。爽才非太傅偶也。然則可以無出乎。曰職守人之。  
 大義也。凡人在難。猶或卹之。執鞭而棄其事。不祥莫。  
 大焉。且為人任為人死。親昵銀入聲之職也。從衆而已。  
 敞遂出。事定之後。歎曰。吾不謀於姊。幾不獲於義。先。  
 是。爽辟壁舉也。王沉羊祜。沉勸祜應命。祜曰。委質見五卷五。  
 事人。復何容易。沉遂行。及爽敗。沉以故吏免。謂祜曰。  
 吾不忘卿前語。祜曰。此非始慮所及也。爽從弟文叔。  
 妻夏侯令女。夏侯文寧之女。名令女。早寡無子。其父欲嫁之。令。

令女截耳  
斷鼻

女截耳自誓居常依爽爽誅其家上書絕婚強迎以歸復將嫁之令女又斷短其鼻其家驚惋謂之曰人

生世間如輕塵棲弱草何至自苦乃爾且夫家夷

滅已盡守此欲誰為哉令女曰吾聞仁者不以盛衰

改節義者不以存亡易心曹氏前盛時尚欲保終況

今衰亡何忍棄之此禽獸之行吾豈為乎懿聞而賢

之聽使乞子字養為曹氏後何晏等方用事自以為

一時才傑人莫能及嘗為名士品目曰唯深也故能

通天下之志

何晏名士  
品目

唯深幾神三句易  
繫辭上傳之辭

夏侯泰初  
夏侯是也



唯幾也故能成天下之務司馬子

元司馬師字是也唯神

也故不疾而速不行而至吾聞其語未見其人蓋以

自況也晏聞平原

今山東濟南府平原縣

管輅明術數請與論

易鄧颺在座謂輅曰君自謂善易而語不及易中詞

義何也輅曰夫善易者不言易也晏笑而贊之曰可

謂要言不煩因謂輅曰試為作一卦當至三公不又

問連夢青蠅數十來集鼻上何也輅曰元愷

八元輔

舜周公佐周皆以和惠謙恭享有多福今君侯位尊

勢重而懷德者鮮畏威者衆殆非小心求福之道願

善易者不言易

要言不煩

青蠅集鼻

此老生之常談

鬼躁鬼幽

何晏等疏 為清談

君侯裒拊多益寡非禮不履然後三公可至青蠅可  
 驅也颺曰此老生之常談輅曰老生者見不生常談  
 者見不談輅舅聞之責其言太切輅曰與死人語何  
 所畏邪舅怒以為狂至是輅之舅謂輅曰爾前何以  
 知何鄧之敗輅曰鄧之行步筋不束骨脈不制肉起  
 立傾倚若無手足此為鬼躁何之視候魂不守宅血  
 不華色精爽煙浮容若槁木此為鬼幽二者皆非遐  
 福之象也晏性自喜以貌粉白不去手行步顧影尤  
 好老莊書與夏侯玄荀粲王弼之徒競為清談祖尚



虛無謂六經為聖人之糟粕杜由是天下士大夫慕

效之遂成風俗不可復制綱魏以司馬懿為丞相加

九錫見十八卷不受綱秋姜維伐魏雍州今陝西西安府不

克綱冬十二月魏光祿大夫徐邈卒目盧欽曰徐公

志高行潔才博氣猛其施之也高而不狷潔而不介

博而守約猛而能寬或問欽徐公當武帝之時人以

為通自為涼州今陝西行都司涼州衛刺史還人以為介何也

欽曰往者毛孝先毛玠字崔季珪崔琰字用事貴清素之

士時皆變易車服以求名而徐公不改其常故人以

前漢介

徐公有常

爲通比來天下奢靡相效而徐公雅尚自若故前日之通乃今日之介也是世人無常而徐公有常耳

綱庚午十三年

魏嘉平二年吳赤烏十三年

秋吳廢其太子和殺

魯王霸及將軍朱據冬十一月立子亮爲太子目初

潘夫人有寵於吳主權生少子亮權愛之全公主權長

女適全琮與太子和有隙欲豫自結數甥稱亮美權以魯

王霸結朋黨以害其兄心亦惡之謂待中孫峻曰子

弟不睦將有袁氏之敗袁紹子袁譚袁尚兄弟相攻爲曹操所滅爲天下

笑若使一人立者安得不亂乎遂有廢和立亮之意



吳景據豫廢太子

至是乃幽太子和將軍朱據諫曰太子國之本根加

以雅性仁孝天下歸心昔晉獻用驪姬而申生不存

見四漢武信江充而戾太子冤死見十四臣竊懼太

子不堪其憂雖立思子之宮見十五無及矣不聽遂

廢和為庶人賜霸死據尋亦賜死明年立潘氏為后

**綱**辛未十四年魏嘉平三年夏四月魏司馬懿殺王

凌及楚王曹彪遂置諸王公於鄴明發王凌以其君制

舉大事其名似正然綱目不書其官又不乎其討懿

者外其君而欲立彪且又面縛出降故也懿自殺爽

之後魏國已在其掌握今又殺彪而盡置諸曹於鄴

其脇制之威又甚於操之所為矣自丕篡漢至是纔

綱鑑易知錄卷二十八漢後帝二

三十載夫道好還如

**目**初魏揚州都督王淩

去年冬十二月

此豈不昭昭也哉

即拜淩與其甥兗州刺史令狐

複

愚並典重兵陰謀

以魏主制於彊臣楚王彪有智勇欲共立之迎都許

昌愚遣其將與楚王相聞淩子廣諫淩不從會愚病

卒至是淩遣將軍楊弘以廢立事告兗州刺史黃華

華弘連名以白司馬懿懿將中軍乘水道討淩淩勢

窮面縛水次懿解其縛送詣京師道飲藥死懿至洛

陽窮治其事諸相連者悉夷三族發淩愚冢剖棺暴

僕

尸賜楚王彪死盡錄諸王公置鄴

見上卷

使有司



令狐邵料  
子滅宗

察之不得與人交關初愚爲白衣時常有高志衆謂  
必與令狐氏族父邵獨以爲愚性惆傷儻不脩德而  
願大必滅我宗愚甚不平及愚仕進有名稱從容謂  
邵曰先時聞大人謂愚爲不繼今竟云何邪邵熟視  
而不答私謂妻子曰公治愚性度猶如故也不知我  
當坐之不邪必逮汝曹輩矣邵沒十餘年而愚滅族  
**綱**秋八月魏太傅司馬懿卒以其子師爲撫軍大將  
軍錄尚書事**綱**冬十一月吳以諸葛恪爲太子太傅  
總統國事**目**時權頗寤太子和之無罪十一月祀南

每事必十思

郊還得風疾欲名和還全公主及侍中孫峻中書令  
孫弘固爭諍之乃止權以太子亮幼議所付託峻薦  
恪可付大事權嫌其剛很自用峻曰朝臣才無及恪  
者乃名之恪將行呂岱戒之曰世方多難子每事必  
十思恪曰昔季文子三思而後行夫子曰再斯可矣  
今君令恪十思明恪之劣也岱無以答時咸謂之失  
言恪至建業見上見吳主於臥內受詔牀下以大將  
軍領太子太傅孫弘領少傅有司諸務一統於恪  
賈禕北屯漢壽今四川保寧府廣元縣以陳祇守尚書令



綱王申十五年

魏嘉平四年吳主孫亮建興元年

春正月魏以司馬

師為大將軍

綱

吳立故太子和為南陽王

綱

吳主權

復封和為南陽王居長沙

今湖廣長沙府

奮為齊王居武昌

今湖廣武昌府

休為琅邪王居虎林

故城在江南池州府城東

綱夏四月

吳主權卒太子亮立以諸葛恪為太傅

綱

吳徙其齊

王奮於豫章

綱

諸葛恪不欲諸王處濱江兵馬之地

乃徙齊王奮於豫章

今江西南昌府

琅邪王休於丹陽

今江南京

諸葛恪遺齊王牋

國

奮不肯徙恪遺

去聲

之牋曰帝王之尊與天同位是

以仇讎有善不得不舉親戚有惡不得不誅所以承

天理物先國後身。蓋聖人立制百代不易之道也。聞  
大王頃至武昌以來。多違詔敕。不循制度。擅發諸將  
私殺左右。小大驚怪。莫不寒心。俚語曰。明鑑所以照  
形。古事所以知今。大王宜深以魯王見上二爲戒。改  
易其行。若棄忘先帝法教。懷輕慢之心。臣下寧負大  
王。不敢負先帝遺詔。奮懼遂行。**綱**冬十月。吳諸葛恪

脩東興隄

低口在江南廬州府無爲州東北五十里東關口西接巢湖一名濡須塢

十二

月。魏人擊之。恪與戰于徐塘。魏人敗走。

**綱**癸酉十六年。

魏嘉平五年。吳建興二年。

春正月。盜殺大將軍費



禕。目初姜維攻魏西平。今河南汝寧府西平縣。獲中郎郭循以

為左將軍。循欲刺帝。不得近。每因上壽。且拜且前。為

左右所遏。事輒不果。至是。費禕與諸將大會於漢壽。

見上。歡飲沉醉。循刺殺之。禕汎愛不疑。待新附太過。張

疑。疑。嘗與書引岑彭。見二十卷。來歙。見二十卷。為戒。

禕不從。故及。綱。二月。吳諸葛恪擊魏。綱。夏四月。姜維

伐魏。圍狄道。目。維負其才武。每欲大舉。費禕常裁制

不從。與兵不過萬人。曰。丞相猶不能定中夏。況吾等

乎。不如保國治民。謹守社稷。如其功業。以俟能者。無

爲微倖。決成敗於一舉。若不如志。悔之無及。及禕死。

維遂將數萬人伐魏。圍狄道。今陝西臨洮府狄道縣。綱吳師圍

魏新城。在江南廬州府合肥縣。不克。綱冬十月。吳殺其太傅諸

葛恪。以孫峻爲丞相。目恪還建業。陳兵入府。愈治威

嚴。多所罪責。孫峻因民怨衆嫌。構恪於吳主亮。云欲

爲變。遂與亮謀。置酒請恪。伏兵殺之。以輦席裹尸。投

之石子岡。在江南江寧府南。并夷三族。初恪少有盛名。大帝

深器重之。而恪父瑾常以爲戚。曰。非保家之子也。

陸遜常謂恪曰。在我前者。吾必奉之同升。在我下者。

諸葛瑾知  
于非保家



則扶接之。今君氣陵其上，意蔑其下，非安德之基也。至是果敗。吳羣臣共推峻為太尉、滕胤為司徒、有媚峻者言萬機宜在公族，乃表峻為丞相、大將軍、都督中外諸軍事。峻驕矜，淫暴，國人側目。**綱**吳殺其南陽王和、**目**和妃張氏、恪甥也。峻因此賜和死，張妃亦自殺。其妾何氏曰：「若皆從死，誰當字孤？」遂撫育其子皓。及諸姬子德、謙、倭，皆賴以全。齊王奮亦坐廢為庶人。**綱**甲戌十七年，魏主曹髦正元元年春二月，吳五鳳元年魏司馬師殺中書令李豐及太常夏侯玄、光祿大夫張緝，遂廢。

其○后○張○氏○

書臣子廢其

初李豐年十七八已

李恢教子  
開門斷客

有清名其父恢不悅敕使閉門斷

短

客後司馬師秉

政以豐為中書令時太常夏侯玄有天下重名以曹

爽親故不得在勢任居常怏怏張緝以后父家居亦

不得意豐皆與親善雖為師所擢用而心在玄魏主

芳又數

朔

獨名豐語師知其議已詰之不以實告師

怒以刀鏢

還

築

也

殺之遂收玄緝下廷尉皆夷三族

并廢張后

綱

夏姜維伐魏

綱

秋九月魏司馬師廢其

主芳為齊王遷之河內

今河南  
懷慶府

冬十月迎高貴鄉今直

魏司馬師  
廢曹芳立  
曹芳



隸大名府。公髦。毛。明帝弟東立之。書廢其土芳

元城縣。鄉公髦立之易辭也。司馬氏之勢成矣。

綱乙亥十八年。魏正元二年。春正月。魏揚州都督母

貴丘。複。姓儉。刺史文欽起兵討司馬師。師擊敗之。欽奔

魏司馬昭自為大將軍錄尚書事

吳儉走死。綱魏大將軍司馬師卒。二月。師弟昭自為

大將軍錄尚書事

目。師疾篤。還許昌。見上。昭自洛陽

見同。往省之。師令總統諸軍而卒。詔以昭為大將軍

錄尚書事。綱秋八月。姜維伐魏。敗其兵於洮。水名在

陝西臨洮。西遂圍狄道。今臨洮府。狄道縣。不克而還。

綱丙子十九年

魏甘露元年吳太平元年

春正月以姜維為大將

軍綱夏四月魏司馬昭始服袞冕赤舄

冕履也赤舄冕服之鳥也

綱秋七月姜維伐魏與其將鄧艾戰敗績

書不書鄧艾敗之

也

尊漢

目秋維復出祁山

見上

聞鄧艾有備乃回趣趨

南安

今陝西鞏昌府

艾與戰於段谷

水名在鞏昌府清水縣東南

大破之

死者甚衆蜀人由是怨維

綱八月魏司馬昭白為人

都督奏事不名假黃鉞

以黃金為飾故曰黃鉞

書效操而未盡

事不名與贊拜不名則有閒矣終綱目

綱吳孫峻卒

以其從弟緄

探

為侍中輔政

綱吳大司馬呂岱卒

政吳孫不輔

姜維段各之敢



始岱親近徐原賜以巾構服構單衣與共言論後遂

薦拔官至侍御史原好直言岱有得失輒諫諍文公

論之或以告岱岱歎曰是我所以貴德淵徐原字者也

呂岱哭後原

及原死哭之甚哀曰德淵岱之益友今不幸岱復於

何所聞過乎綱冬十月魏以盧毓為司空目魏以盧

王祥至孝

毓為司空毓固讓司隸校尉王祥詔不許祥至孝繼

母朱氏遇之無道祥愈恭謹朱氏子覽年數歲每見

祥被筆輒涕泣抱其母母以非理使祥覽輒與俱及

長娶妻母虐使祥妻覽妻亦趨之母為去聲少止祥漸

有時譽。母深疾之。密使酖。

見十一卷一

祥覽徑起取酒。祥

不與。母奪而反。之後母賜祥饌。覽輒先嘗。母懼遂止。

漢末遭亂。隱居三十餘年。不應州郡之命。母終毀瘠。

杖而後起。徐州。

今江南徐州

刺史呂虔檄

徵書

為別駕。委

以州事。政化大行。時人歌之曰。海沂

沂水出東海故曰海沂

之

康

寧也

實賴王祥。邦國不空。別駕之功。

綱丁丑二十年

魏甘露二年吳太平二年

夏四月。吳主亮始親政。

書始親政何峻專也

目吳主亮親政事。大將軍孫綝表奏多

見難問數

朔

出中書視大帝

孫權

時舊事問左右侍臣



曰先帝數有特制特制今大將軍問事但令我書可

邪嘗食生梅使黃門至中藏去聲取蜜蜜中有鼠矢同

始音召問藏吏藏吏叩頭亮曰黃門從爾求蜜邪吏曰

向求實不敢與黃門不服亮令破鼠矢矢中燥因大

笑謂左右曰若矢先在密中中外俱溼今外溼裏燥

必黃門所為也詰之果服左右驚悚綱魏揚州都督

諸葛誕起兵討司馬昭六月昭奉其主髦攻之吳人

救之不克而還綱姜維伐魏目姜維聞魏分關中今

西府兵赴淮南率數萬人出駱谷見上時長城山名

城也在河南南陽府葉縣積穀多而守兵少魏都督司馬望及鄧

艾進據之以拒維維數

朔

挑戰不應是時維數出兵

蜀人愁苦譙周作仇國論諷之曰或問往古能以弱

勝彊者其術何如曰吾聞之處大無患者常多慢處

小有憂者常思善多慢則生亂思善則生治理之常

也故周文養民以少取多句踐恤衆以弱斃彊此其

術也或曰曩者項彊漢弱約分鴻溝

見九卷二十九

各歸息

民張良以爲民志既定則難動也率兵追羽終斃項

氏豈必由文王之事乎曰商周之際王侯世尊君臣



久固深根者難拔。據固者難遷。當此之時。雖漢祖安能杖劍鞭馬取天下乎。及秦罷侯置守之後。民疲秦役。天下士崩。於是豪強並爭。虎裂狼分。疾搏者獲多。遲後者見亡。今我與彼皆傳國易世矣。既非秦末鼎沸之時。實有六國並據之勢。故可爲文王難爲漢祖。

**綱**戊寅景耀元年

魏甘露三年吳景帝孫休永安元年

春二月魏司馬

昭拔壽春

今江南鳳陽府壽州

殺諸葛誕。**綱**姜維引兵還。目維

聞諸葛誕死而還。

**綱**夏五月魏司馬昭自爲相國封

晉公加九錫。

見十八卷二十九

復辭不受。

**綱**秋九月吳孫綝



癸其王亮為會稽今浙江紹興府王冬十月迎立琅邪王休

休以紉為丞相封兄子皓為烏程今浙江湖州府烏程縣侯綱

十二月吳孫紉伏誅休恐紉有變因臘會縛而斬之綱詔漢中今陝西漢中府

兵屯漢壽今四川保寧府廣元縣守漢樂二城漢城在漢中府沔縣樂城

在漢中府城固縣俱諸葛亮所築於是詔督漢中

胡濟却屯漢壽主舍守樂城蔣斌守漢城從姜維之

也書維之失計漢所以亡者也故特書之



